



N 21/3204
06/07/2022

3204-21-2-202207061709



შპს „ჭერს“

მის. ქ. ქუთაისი, სულხან-საბას ქ. №2

ელ. ფოსტა: ltd.elshouse@gmail.com

სსიპ გარემოს ეროვნულმა სააგენტომ განიხილა თქვენი №2282 სკრინინგის განცხადება, რომელიც ეხება ქ. ქუთაისში სასარგებლო წიაღისეულის (ტემენიტის ქვა) გადამამუშავებელი საწარმოს ექსპლუატაციას.

გაცნობებთ, რომ სკრინინგის განცხადებაში წარმოდგენილი/დაზუსტებული უნდა იყოს საქმიანობასთან დაკავშირებული შემდეგი საკითხები:

- სკრინინგის განცხადებას თან უნდა ერთვოდეს შესაბამისი მუნიციპალიტეტის წერილი დაგეგმილი საქმიანობის განხორციელების ადგილის ფუნქციური ზონისა/ქვეზონისა და ამ საქმიანობის აღნიშნულ ზონასთან/ქვეზონასთან თავსებადობის შესახებ, ამ მუნიციპალიტეტის მიერ დამტკიცებული გენერალური გეგმის არსებობის შემთხვევაში;
- წარმოდგენილი ინფორმაციის თანახმად, სასარგებლო წიაღისეულის (ტემენიტის ქვა) გადამამუშავებელი საწარმო მდებარეობს ქ. ქუთაისში, სულხან-საბას ქ. №2-ში არსებულ მიწის ნაკვეთზე (ს/კ: 03.05.24.217). თუმცა, მონაცემთა ელექტრონული გადამოწმების შედეგად დგინდება, რომ აღნიშნული საწარმო განთავსებულია სულხან-საბას გამზირის №4ა-ში, შესახვევი II. შესაბამისად, აღნიშნული საკითხი საჭიროებს დაზუსტებას;
- დოკუმენტის გენ-გეგმაზე დატანილია სამსხვრევ-დამახარისხებელი დანადგარის შემადგენელი ობიექტები, თუმცა, მითითებული არ არის მათი განთავსების GPS კოორდინატები;
- საწარმოს სამუშაო რეჟიმის (240 დღე, დღე-ღამეში 8 სთ) და გადასამუშავებელი ტემენიტის ქვის (0.1 ტ/სთ) გათვალისწინებით, დაზუსტებას საჭიროებს წელიწადში გადასამუშავებელი ნედლეულის რაოდენობა (200 ტონა);
- სკრინინგის განცხადების თანახმად, „საყოფაცხოვრებო მიზნისათვის წყლით მომარაგება ხდება საწარმოო ტერიტორიაზე არსებული ლიცენზირებული ჭიდან“. დოკუმენტში მოცემული უნდა იყოს აღნიშნული ჭის GPS კოორდინატები;
- დოკუმენტში დაზუსტებას საჭიროებს ატმოსფერულ ჰაერში გაფრქვეულ მავნე ნივთიერებათა რაოდენობრივი და ხარისხობრივი მაჩვენებლების შესახებ ინფორმაცია.

ზემოაღნიშნულიდან გამომდინარე, სააგენტო კანონმდებლობის შესაბამისად, სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

